



Broj predmeta: 02-000153/14
Broj akta: 01.1-1141SM-15/17
Datum, 17.07.2017. godine
Mjesto, Brčko

Na osnovu člana 16. Zakona o Vladi Brčko distrikta BiH („Službeni glasnik Brčko distrikta BiH“, broj: 19/07, 36/07, 38/07, 2/08, 17/08, 23/08, 14/10 i 28/12), u skladu s članom 53. stav (1) i (2) Zakona o državnoj službi u organima javne uprave Brčko distrikta BiH („Službeni glasnik Brčko distrikta BiH“, broj: 9/14, 37/15, 48/16 i 9/17), gradonačelnik, na prijedlog Komisije za polaganje ispita u organima javne uprave, d o n o s i

ODLUKU

o izmjenama i dopunama Odluke o ispitu za rad u organima javne uprave

Član 1.

U Odluci o ispitu za rad u organima javne uprave („Službeni glasnik Brčko distrikta BiH“, broj 38/14), i Odluci o izmjenama i dopuni Odluke o ispitu za rad u organima javne uprave, broj predmeta: 02-000153/14, broj akta: 01.1-0201LS-010/15 od 20. 10. 2015. godine, i Odluci o izmjeni Odluke o ispitu za rad u organima javne uprave, broj predmeta: 02-000153/14, broj akta: 01.1-0100DA-011/16 od 7. 6. 2016. godine, u članu 5. stav (3) tačka b) mijenja se i glasi:

„b) ugovor o volontiranju ili potvrda/uvjerenje poslodavca o obavljenom volonterskom radu i potvrda o uplaćenim obavezama poslodavca za osiguranje volontera u slučaju povrede na radu ili profesionalnog oboljenja ili potvrda advokatske komore o obavljenom volonterskom stažu u advokatskoj praksi, ukoliko zakonom nije propisana obaveza uplate poslodavca za osiguranje volontera.“

Član 2.

(1) U članu 6. stavu (2) iza riječi: „pismeno“ dodaju se riječi: „odnosno usmeno, telefonskim putem ili putem e-maila.“

(2) Iza stava (2) ovog člana dodaje se novi stav (3) koji glasi:

„(3) Kandidatu se uručuje pismeno obavještenje prije pristupanja polaganju ispita u slučaju kada se kandidat obavještava usmeno, telefonskim putem ili putem e-maila.“

(3) Dosadašnji stav (3) postaje stav (4).

Član 3.

U članu 10. iza stava (2) dodaje se novi stav (3) koji glasi:

„(3) U slučaju da i drugi ispitivač iz stava (2) ovog člana, iz opravdanih razloga, ne može prisustvovati ispitnom roku, ispitivača čije prisustvo nije moguće osigurati može zamijeniti ispitivač iz druge oblasti, o čemu sekretar Komisije sačinjava službenu zabilješku.“

Član 4.

U članu 22. stav (1) mijenja se i glasi:

„(1) Priznaje se ispit za rad u organima javne uprave kao ispit s visokom stručnom spremom kandidatima koji su pred Komisijom položili ispit za rad u organima javne uprave s višom stručnom spremom, a naknadno su stekli visoku stručnu spremu.“

Iza stava (2) dodaje se novi stav (3) koji glasi:

„(3) Troškovi priznanja ispita iz stava (1) ovog člana iznose 100,00 KM.“

(4) Obaveze troškova iz stava (3) ovog člana ne snose zaposleni u organima javne uprave Brčko distrikta BiH.

Član 5.

Ova odluka stupa na snagu danom donošenja i objavljuje se u „Službenom glasniku Brčko distrikta BiH“.

GRADONAČELNIK
Mr. sc. Siniša Milić

DOSTAVITI:

1. Komisiji za polaganje ispita u organima javne uprave
2. „Službenom glasniku Brčko distrikta BiH“
3. Evidenciji
4. Arhivi.